

Marko politiko berri baterako alternatibak aztertu behar direla dio EAJren txostenak

Zuhurtasuna eskatzen du «ausartak eta politikak» diren proposamenak aztertzeke

Europa Press / Bilbo

EAJk bere Batzar Nagusi-rako prestatu duen txosten politikoan esaten denez, Gernikako Estatutua bete ez izanak beharrezko egiten du Euskal Herria beste marko juridiko-politiko batera eramango duten alternatibak aztertzea. Euskal gizarteak akordio berri bat eskatzen duela dio txostenak, izateko eta erabakitzeke gaitasuna nahi duela. «Finan, autodeterminazio eskubideaz ari gara».

TXOSTEN politikoaren zirriborroa astelehenean onartu zuen Euzkadi Buru Batzar-
rak, eta, huri batzarretan eztabaidatu ondoren, urtarri-
leko Batzar Nagusiak onetsiko du. Alderdiaren estrategia zehazten duen txostena ez da osorik jakinarazi, baina haren ildo nagusiak azaldu zituen atzo Europa Press agentziak.

EAJk onartzen du azterketa okerra egin zuela Gernikako Estatutuaren bitartez Euskal Herriko gatazka konpon zitekeela pentsatzean. «Ez haren edukiagatik, baizik eta 20 urtetan Estatuko erakundeek ez dutelako leial jokatu. Lehendabizi, kostata eta haserre hasi ziren betetzen, eta gero, transferentziak gauzatzerakoan, planto egin zuten».

Blokeo egoera horrek Euskal Herriari beste marko juridiko-politiko bat emango dioten alternatibak aztertzea behartzen du, EAJren ponentziak azaltzen duenez. Esparru berri horrek zera behar luke oinarrian: «Izaera nazionalaren eta errealitate historiko, kultural eta linguistikoren errespetua; bere etorkizuna erabakitzeke eskubidea eta, beraz, euskal herritarrek hartuko dituzten erabakien errespetua; eta herrialdeen arteko harremana eta kanpo-arekiko harremana definitzeko eskubidea». Nabarmen-tzen du euskal herritarren borondatearen ondorio izan behar duela marko horrek, eta ez alderantziz.

EAJren helburua da Euskal Herria nazioartean berezko izaera izango duen subjektu politikoa izatea. Hori lortzeko nazio kontzientzia hedatzen lan egin behar dela uste du, «proiektuarekiko bo-



GORKA BILBAO

EBBk landutako txosten politikoa huri batzarretan eztabaidatuko dute orain afiliatuek.

rondatezko formuletan oinarriturik».

Ponentziak beharrezkotzat jotzen du abertzaleen arteko lankidetzak sakontzea. Alderdien arteko kontseilu bat sortzea planteatzen du, «nazio eraikuntzarako beharrezko diren proiektuak proposatu, diseinatu eta garatzeko». Ildo

horretatik, ezker abertzaleak egiten dituen proposamenen aurrean zuhurtasuna eskatzen du EAJko zuzendaritzak, «nahiz eta ez diren arbuatu behar haien kementa eta irudimenak».

«Abertzale batentzako ausartak eta politikak diren eskaintzak aztertzerakoan kon-

tuz jokatu behar dugu, ez dutelako izaten beti praktikara eramateko gutxieneko aukera».

ETari ere kritika egin dio. «Hitza herriari emateko pistolak sobran daude. Legitimitatez hitz egiteko, herriaren babesa bakarrik behar da, botoen babesak».

■ Departamenduaren aldeko deia egin du Herriarekin apezten elkar-teak

HELDU den larunbatean Baionan eginen den Euskal Departamenduaren aldeko manifestaziorako deia egin du Herriarekin Iparraldeko apezten elkar-teak. «Iparraldeko herritarrekin elkartasunez, eta zerbitzatzen dugun herriaren errespetuz» egin dute deia, Ipar Euskal Herriko herritarrek Euskal Departamenduaren aldarrikatzeko antolatua den elkarretaratze handirat ager daitezen.

■ Espainiako Erregearekin bilduko da gaur Ibarretxe EAEko lehendakaria

JUAN CARLOS I.a Espainiako erregeak Zarzuela jauregian hartuko du gaur Juan Jose Ibarretxe, Eusko Jaurlaritzako lehendakaria. Bileran Ibarretxek eskatuta egingo da, eta arratsaldeko 19:00etan hasiko da. Hau izango da Ibarretxe monarka espainiarrarekin biltzen den bigarren aldia. Joan den urtarriaren 15ean, bakearen alde lan egiteko asmo sendoa agertu zion Ibarretxek, Eusko Jaurlaritzaren izenean. Gaurko bilerarako ez dela gai zerrendarik jarri adierazi dute.